

摛藻堂四庫全書薈要

經部

欽定四庫全書會要

經部

欽定禮記義疏卷七十二

詳校官編修臣程嘉謨



經部

欽定四庫全書會要卷二千五百三十五

欽定禮記義疏卷七十二

深衣第三十九

正義孔氏穎達曰案鄭目錄云名曰深衣者以其記深衣之制此於別錄屬制度呂氏大臨曰古

者衣裳殊制所以別上下也惟深衣之制衣連裳而不殊蓋私燕之服尚簡便也雖曰簡便不可以無法故有五法之象方氏愍曰有虞氏深衣而

養老傳曰庶人服短褐深衣則自天子至庶人皆服之也

通論鄭氏康成曰深衣連衣裳而純之以采者素純曰長衣有表則謂之中衣大夫以上祭服之中

衣用素士祭以朝服中衣以布明矣

孔疏天子大夫四命爵弁

自祭故中衣用素天子之士諸侯之大夫亦士也祭以朝服諸侯之士玄端亦衣朝服而裳異朝服

用布故中衣亦布

孔氏穎達曰長衣中衣及深衣其制

度同玉藻云長中繼揜尺若深衣則緣而已緣廣

寸半凡深衣皆諸侯大夫士夕時所著之服庶人
吉服亦深衣皆著之在表也朝服祭服有中衣喪
服亦有中衣檀弓練衣黃裏注云練中衣以黃為
內但不得繼揜尺耳喪服儀云帶緣各視其冠注
云緣如深衣之緣下云具父母大父母衣純以續
以青之屬唯孤子深衣純以素但以緣而已其吉
服中衣亦以采緣諸侯得綃黼為領丹朱為緣大
夫士不用綃黼丹朱但用采純而已其長衣若以

采緣則與吉服中衣同故知以素緣也若以布緣
則曰麻衣其喪服之中衣其純用布視冠布之麤
細至葬可以用素緣也練則用縷也詩之麻衣則
與此別彼謂吉服之衣也所以此稱深衣者以餘
服則上衣下裳不相連此深衣衣裳相連被體深
邃故謂之深衣 陳氏皓曰朝服祭服喪服皆衣
與裳殊惟深衣不殊則其被於體也深邃故名深
衣制同而名異者有四焉純之以采曰深衣純之

以素曰長衣純之以布曰麻衣著在朝服祭服之內曰中衣

古者深衣蓋有制度以應規矩繩權衡短母見膚長母被土續衽鉤邊要縫半下母音無見同現衽而審反又而鵠反要一送反

正義鄭氏康成曰聖人制事必有法度母見膚者衣

取蔽形孔疏若見膚肉則裹也母被土為汙辱也續猶屬也衽

在裳旁者也屬連之不殊裳前後也孔疏若喪服裳

各自為之不相連今深衣裳一旁則連之相著一旁有曲裾連之與相連無異鉤邊若今曲

裾也續或為裕三分要中減一以益下下宜寬也要
或為優孔疏凡布廣二尺二寸以四寸為縫一尺八
寸三分之為六寸減六寸以益下上二幅一
尺二寸下二幅二寸四寸 孔氏穎達曰作記之時深衣無復制
度故稱古者言蓋疑辭衽謂深衣之裳以下闊上狹
謂之衽接續此衽而鉤其旁邊要縫謂要中之縫下
畔一丈四尺四寸要縫半之七尺二寸容舉足而行
故宜寬也 方氏慤曰玉藻謂縫齊倍要以縫齊為
倍則要縫為半矣此所以互言之 楊氏簡曰深衣

屬裳則當續衣之衽使之長與裳齊也 吕氏大臨

曰衣之旁幅下殺裳之旁幅上殺上下之衽相續而中曲 楊氏曰既合縫了又再覆縫合縫為續衽覆為鉤邊

案深衣之異於禮服者在衣惟一領耳朝祭諸服其領直故左右二衽皆摺而掩於內以露裼衣至襲則出其左衽而右掩而裘與裼衣皆不見深衣則其領方交於兩衽之上先掩左衽於內次掩右衽於外故

曰衽當旁也若裳則與朝祭大異朝祭之裳十二幅
襞積而旁無縠縫深衣止六幅裁為十二幅故此篇
於裳言之最詳蓋朝祭之衣與裳別故衣有垂下之
衽以蔽裳而裳之長短不必言深衣衣與裳連則衣
垂下之衽無所用之故先言短長之無定而即言續
衽言裳與衣相續在垂衽之處故孔氏直言此衽指
裳前後左右皆有衽也既以六幅解為十二幅則每
幅半有邊半無邊無邊則其縷易散而縫之亦不固

故必以有邊者與無邊者相合先以無邊者緝之後
以有邊者掩其外而再緝之謂之鉤邊故鄭氏曰衽
謂裳幅所交裂也惟後中二片則必以有邊者相合
與衣背縫一直而下皆削幅故曰負繩其名衽謂小
要者衣之上與袖相屬裳之齊又倍要唯當要處最
小也故禮衣有垂下之衽朝祭之衽無考而鄭言若
今曲裾孔言朝服曲裾似朝祭下垂之衽亦上殺下
廣惟喪服上廣下殺以變於吉若深衣則無此衽而

有當旁之衽王藻云衽當旁正指深衣之衽本篇續衽則明所以衽當旁之故見此續處即禮服之垂衽處此處不用衽故衽當旁耳而鄭孔多就續處言之諸儒多以朝祭之衽喪服之衽汨之則成棼手矣

貉之高下可以運肘袂之長短反訛之及肘帶下毋厭

髀上毋厭脅當無骨者

貉音各亦作貉訛丘勿反厭於甲反髀畢婢反當丁浪反

正義鄭氏康成曰貉衣袂當腋之縫也肘不能不出入袂屬幅於衣訛而至肘當臂中為節臂骨上下各

尺二寸則袂肘以前尺二寸肘或為腕帶當骨緩急
難為中也 孔氏穎達曰裕謂當臂之處袂中高下
宜稍寬大可以運動其肘袂二尺二寸肘尺二寸是
容運肘也袂長二尺二寸并緣寸半為長二尺三寸
半除去縫之所殺各一寸餘有二尺一寸半在從肩
至手二尺四寸今二尺一寸半之袂得反詘及肘者
以袂屬於衣幅廣二尺二寸身脊至肩但尺一寸也
從肩覆臂又尺一寸是衣幅之畔覆臂將盡今又屬

袂於衣又二尺一寸半故反詘其袂得及於肘也帶若當骨則緩急難中故當無骨之處此深衣帶下於朝祭服之帶也朝祭之帶則近上故王藻云三分帶下紳居二馬是自帶而下四尺五寸也 馬氏晞孟曰服身之章身服之準故視肘以為袂肘尺二寸袂二尺二寸殺袂以為祛三祛以為要祛尺二寸倍為二尺四寸三之七尺二寸倍要以縫齊長一丈四尺四寸也

案凡衣視身之長短有衽有邊有要有下有袼有袂
有帶而短長適均纖曲各當此深衣之所以應規矩
繩權衡也

制十有二幅以應十有二月袂圜以應規曲衿如矩以
應方負繩及踝以應直下齊如權衡以應平 圜圓同衿
音劫踝華

上聲齊
音咨

正義鄭氏康成曰裳六幅幅分之以為上下之殺袂
圜應規謂胡下也 司馬氏光曰牛領下垂者謂之胡
圜 徒袖口至袖下裁令勢圓如牛胡

也案袖根二尺二寸袂交領也古者方領孔疏以袂口尺二寸故須裁漢時領

漢時領孔疏方折之也

皆向下交垂故云古者方領似今擁咽如今小兒衣領孔疏方折之也

司馬氏光曰

漢時小兒衣不可見今小兒繩謂繫司馬氏光曰繫疊方幅繫頸下謂之涎衣音督衣之背縫

謂之與後幅相當之縫也踝跟也齊緝也孔氏穎達曰每幅交解為二是十二幅也負繩謂衣之背縫及裳之背縫上下相當如繩之直非謂實負繩也

陳氏祥道曰十二月者天之數規而圜者天之體矩應方者地之象直與平者人之道呂氏大臨曰衣

袂之制有三有侈者自服而侈之祫至祫而侈之朝
服以上是也有端者自祫至祫方正而製之玄端素
端是也有圜者內殺於祫外殺於祫中則胡下深衣
是也欲使行者舉手以為容儀如規之圜也

案自服之服恐

誤或疑
是腋字

通論教氏繼公曰十二幅謂衣六幅裳六幅是也蓋
衣身二幅左右袂各二幅是謂衣之六幅裳以六幅
布交裂裁之為十二片其實止六幅也衣裳各六幅

象一歲之六陰六陽也

存疑司馬氏光曰鄭注周禮祫狀如著

案此字疑誤 橫銜

之繡潔於項顏師古注漢書繡結礙也潔繞也蓋為
結紐而繞項也今朝服有方心曲領以白羅為之方
二寸許綴於圓領之上以繫於頸後結之或祫之遺
象與而曲禮鄭注祫交領也則領之交會自方疑更
無他物且從之以就簡易葉氏夢得曰袂圜以應
規不云領曲以應矩而云曲祫如矩以應方則祫與

領非一物也張華注朱勑事引漢書音義頸下施衿
正方儒者之服則領之外蓋別有衿方折之加於領
上此正古深衣之制若為交領則當在背何抱之云
乎曲禮視不上於衿鄭氏亦以衿為交領衿當在帶
之上所以尊天子若為交領無乃太高乎

案曲衿交領也以右襟之末斜交於左脅以左襟之
末斜交於右脅則領不直垂而方矣溫公及葉氏之
疑似與注不符

故規者行舉手以為容負繩抱方者以直其政方其義也故易曰坤六二之動直以方也下齊如權衡者以安志而平心也

正義鄭氏康成曰行舉手謂揖讓也引易言深衣之直方應易之文也政或為正心平志安行乃正或低或仰則心有異志者與孔氏穎達曰所以袂圜中規者欲使行者舉手揖讓以為容儀如規也負繩背之縫也抱方領之方也以直其正解負繩欲使人直

其政教以方其義解抱方欲使義事方正記者既明
方直之義故引坤卦之六二直方以證之裳下之齊
如權之衡低卬平也 方氏憲曰規矩者方圓之體
方圓者規矩之用自曲裕如矩以應方而下皆上言
體下言用惟袂則上言用下言體蓋袂之圓非其體
然及舉手以為容則圓爾乃其用然也上言如矩而
後言負繩以衣先後為序下言負繩而後言抱方以
易直方為序且應十有二月仰觀於天也直其政方

其義俯察於地也可以運肘近取諸身也應規矩繩權衡遠取諸物也

案易下言君子敬以直內義以方外則上自當作直其敬也方其義也此作直其政乃敬字謠其半今易作直其正又以政字之謠而去其半耳

五法已施故聖人服之故規矩取其無私繩取其直權衡取其平故先王貴之故可以為文可以為武可以擯相可以治軍旅完且弗費善衣之次也

相息
亮反

正義鄭氏康成曰五法已施聖人服之言非法不服也貴之貴此衣也完且弗費言可苦衣而易有也

孔疏

以其完牢可苦事衣著以白布為之不須黼黻錦繡是弗費而易有深衣者用十五升

布

孔疏

與朝服相

鍛濯灰治

孔疏

打洗鍛濯用灰治理使和熟也

純之

以采善衣朝祭之服也自士以上深衣為之次

孔疏玉藻

諸侯朝服夕深衣大夫朝

孔疏

玄端夕深衣是朝祭之次服

庶人吉服深衣而已

孔疏

吉服自深衣以下更無餘服故知庶人同之喪服衰裳上下無差亦知庶人吉服乃深衣也

陳

氏祥道曰文事有爵弁服武事有韋弁服先儒以善

衣為朝祭之服蓋舉一端明之也深衣異於餘服者
不特衣裳連餘服幅前三後四深衣則十二幅矣餘
服之帶三分帶下紳居二焉深衣之帶則當無骨者
矣 方氏憲曰五法皆公必以規矩言無私者方圓
有天地之象其無私尤足道也聖人以德言先王以
位言有德足以稱之故服之有位足以作之故貴之
端冕則有敬色所以為文介胄則有不可辱之色所
以為武然端冕不可以為武介胄不可以為文兼之

者惟深衣而已然文非若端冕可以視朝臨祭也特
可以贊禮而為擯相而已武非若介胄可以臨難折
衝也特可以運籌而治軍旅而已制有五法故曰完
案此訓完字與鄭注相備
其實則布其色則白故弗費

通論呂氏大臨曰深衣之用上下不嫌同名吉凶不
嫌同制男女不嫌同服諸侯大夫士夕深衣庶人吉
服深衣此上下同也有虞氏深衣而養老將軍文子
除喪而受越人弔練冠深衣親迎女在塗壻之父母

死深衣縞總以趨喪此吉凶男女同也

具父母大父母衣純以續具父母衣純以青如孤子衣

純以素純袂緣純邊廣各寸半

大音泰緣悅絹反
廣古曠反純音準

正義鄭氏康成曰尊者存以多飾為孝續畫文也三

十以下無父稱孤純謂緣之也緣袂謂其口也

孔疏
緣其

袂口非口外別有緣緣綺也

孔疏既夕鄭注在幅曰綺此謂深衣下緣

緣邊衣

裳之側

孔疏深衣外衿之邊有緣

廣各寸半則表裏

共三寸矣惟衿廣二寸 陸氏朗曰大父母祖父母

也 孔氏頴達曰具父母父母俱在也大父母具亦然若其不具一存一亡不必純以續也有父母而無祖父母故飾少而純以青若無父母惟祖父母在亦當然也 呂氏大臨曰三十以下無父可以稱孤三十以上有為人父之道不言孤也 陳氏祥道曰具父母大父母純以續備五采以為樂也具父母純以青體少陽以致敬也孤子純以素存凶飾以致哀也小祥純以縗則大祥緣以布吉時夕服緣以采 方

氏憲曰襍口謂之袂裳下謂之緣衣側謂之邊其純皆寸半三五之數也

總論朱子曰深衣裁用細白布度用指尺中指中節為寸衣二幅不裁其長過脇下屬於裳用布二幅中屈而下垂之如今之直領衫但不裁破腋下每幅之下屬裳三幅裳交解十二幅上屬於衣其長及踝用布六幅每幅裁為二幅一頭廣一頭狹狹頭當廣頭之半以狹頭向上而聯其縫以屬於衣每三幅屬衣

一幅圓袂用布二幅各中屈之如衣之長屬於衣之
左右而縫合其下以為袂其本之廣如衣之長而漸
圓殺之以至袂口則其徑一尺二寸方領兩襟相掩
衽在腋下則兩領之會自方曲裾用布一幅如裳之
長交解裁之疊兩廣頭並令向上布邊不動但稍裁
其內旁大半之下令漸如魚腹末如鳥喙內向而緝
之相沓綴於裳上之右旁以掩裳際右幅在下左幅
在上布邊在外裁處在內

案朱子晚歲所著深衣去舊說曲裾之制而不用茲

姑存之以備考耳 衣裳皆緣緣用黑繒具父母以青大父母

以繒領表裏各二寸裳下及邊表裏各一寸半皆就布緣袂口表裏亦一寸半布外接出大帶帶用白繒廣四寸夾縫之其長圍要而結於前再繕之而為兩耳及垂其餘為紳下與裳齊以繒緣其紳之兩旁及下表裏各半寸如緣之色復以五絲織廣二寸約其相結處長與紳齊

投壺第四十

正義孔氏穎達曰案鄭目錄云名曰投壺者以其記主人與客燕飲講論才藝之禮也此於別錄屬吉禮亦實曲禮之正篇是投壺與射為類此於五禮宜屬嘉禮也或云宜屬賓禮 司馬氏光曰投壺細事聖人取之以為禮用諸鄉黨用諸邦國其故何哉鄭康成曰投壺射之細也君子射以觀德為其心平體正端一審固然後能中故也夫審度於此而取中於彼仁道存焉疑畏則疎惰慢則失

義方象馬左右前却過分則差中庸著馬得一失
二成功盡棄戒懼明馬是故投壺可以治心可以
修身可以為國可以觀人古者壺矢之制揖讓之
容今雖闕焉然其遺風餘象猶可彷彿也 吕氏
大臨曰燕飲有射以樂賓且以習容以講藝也庭
之脩廣或不足以張侯置鵠賓客之衆或不足以
備官比耦則弧矢之事不能行而比禮比樂志正
體直所以觀德者猶在此先王所以不廢也 應

氏鏞曰壺之為器所以實酒而置之席間者也春
秋曰尊以魯壺周官曰其朝獻用兩壺禮器曰五
獻之尊門內缶門外壺其始必於燕飲之間謀以
樂賓或病於不能射也舉席間之器以寄射節焉
投壺以為樂猶擊缶以為樂也以所飲之壺寓所
投之矢制禮者因為之節文且用樂以宣達其情
此投壺所由興也 陳氏澔曰此為大夫士投壺
之禮然左傳載晉侯與齊侯燕投壺則諸侯亦有

之

投壺之禮主人奉矢司射奉中使人執壺

奉上聲

正義鄭氏康成曰矢所以投者也中士則鹿中也

孔疏

鄉射記

云大夫兕中士鹿中中之形刻木為之狀如兕鹿而伏背上立圜圜以盛筭鄭不云兕中累之也

陳氏祥道

曰投壺禮輕於射故但用中之下而已射人奉之者投壺射之類

也其奉之西階上北面

孔疏皆在西階上欲就賓處也

孔氏穎達

曰主人阼階之上西面奉持其矢中謂受算之器鄉射禮司射升自西階階上北面此奉中亦然使人執

壺於司射之西北面惟云使人不言官者以賤畧之
也知是大夫士禮者以經云主人請賓是平敵之辭
若諸侯則燕禮大射每事云請於公不云主人請賓
也非諸侯禮而經云奏狸首者別取燕飲之義其諸
侯相燕亦有投壺故左傳云晉侯與齊侯燕投壺然
則天子亦有之但古禮亡無以知也 方氏憲曰矢
將以授賓故主人奉之中將以待獲故司射奉之壺
將以待投故使人執之而已曰使人不必有攸司夫

人而為之可也中必象獸形者以服猛為義因而為
隆殺猶侯用虎豹之屬爾必謂之中者以中為善故
也奉之使司射所投謂之矢皆以是而已

存疑孔氏穎達曰執壺之人賤於司射故在司射之
西以凡行禮統於主人雖俱在西階而當尊東故燕
禮大射宰夫代公為主人與賓俱升西階而主人在
東也

案主人在阼司射等當自西階東從主人於尊東安

得云俱在西階且西階亦不得云當尊東

總論孔氏穎達曰自此至曰辟論燕禮說屢升堂之後主賓請投辭受之節

主人請曰某有枉矢哨壺請以樂賓賓曰子有旨酒嘉
殼某既賜矣又重以樂敢辭主人曰枉矢哨壺不足辭
也敢固以請賓曰某既賜矣又重以樂敢固辭主人曰
枉矢哨壺不足辭也敢固以請賓曰某固辭不得命敢
不敬從賓再拜受主人般還曰辟主人阼階上拜送賓

般還曰辟

哨七笑反樂音洛般盤同還旋同辟避同大戴上無某既賜矣句下作某賜旨酒嘉穀

正義鄭氏康成曰燕飲酒既說屢升坐

孔疏燕禮取俎以出卿大

夫皆降賓反入及鄉大夫皆說屢升席羞庶羞之後乃云若射知此亦然也若鄉射則在飲酒未旅前以

詢衆庶禮重故早也

主人乃請投壺也否則或射所謂燕射也

枉哨不正貌為謙辭

孔疏枉謂曲而不直哨峻不正謂

固之言如故

也言如故辭者重辭也不得命不以命見許也賓再

拜受拜受矢也主人既辟進授矢兩楹之間也拜送

送矢也辟亦於其階上孔氏穎達曰賓既許主人

投壺賓乃於西階上北面再拜遙受矢也主人見賓
拜乃般還曲折還謂賓曰今辟而不敢受言此者欲
止賓之拜也於是賓及主人皆來兩楹之間相就俱
南面主人在東授矢與賓主人復歸阼階上北面拜
送矢賓亦歸西階上般還而告主人曰今辟而不敢
受亦以止主人拜也鄉飲酒鄉射拜受爵送爵皆北
面知此亦當北面呂氏大臨曰投壺禮有加於射禮
者不敢以禮殺而紓吾敬也燕樂而不淫禮殺而敬

不衰此德所以脩交所以久也

存疑熊氏安生曰拜時般還或可東西面相拜曰辟者是贊者來辭告主人及賓言曰辟

案鄉射有司請射賓對曰某不能為二三子許諾有司授弓矢無主賓授受拜辟諸文者蓋弓矢主賓自取不必授受也又射禮賈氏公彥疏云投壺因燕而為之此為衆習禮不專為已也蓋鄉射公事投壺情好也君子不以情好而為狎故其辭彌恭其節彌謹

右請投

已拜受矢進即兩楹間退反位揖賓就筵

正義鄭氏康成曰主人既拜送矢又自受矢進即兩

楹間者言將有事於此也退乃揖賓即席欲與偕進

明為偶也賓席主人席皆南鄉間相去如射物

孔疏謂物

射者所立之處物長三尺濶一尺二寸兩物東西相去容一弓故鄉射記云物長如筭其間容弓距隨長武注云筭長三尺距隨者物橫畫也

孔氏穎達曰此明賓主受矢就筵

之節主人拜送矢之後主人贊者持矢授主人主人

於阼階受矢既受矢之後來就兩楹間看投壺處所乃却退反阼階之位西面揖賓令就投壺之筵相對為位而共投壺也

右就筵

司射進度壺間以二矢半反位設中東面執八算興請賓曰順投為入比投不釋勝飲不勝者正爵既行請為勝者立馬一馬從二馬三馬既立請慶多馬請主人亦

如之

度徒洛反比毗志反飲去聲大戴無以二字半四字首作請於賓曰投壺之令曰

正義鄭氏康成曰度壺度其所設之處也壺去坐二矢半則堂上去賓席主人席邪行各七尺也反位西階上位也設中東面既設中亦實八算於中橫委其餘於中西執算而立以請賓俟投請猶告也順投矢本入也比投不拾也勝飲不勝言以能養不能也正爵所以正禮之爵也或以罰或以慶馬勝算也謂之馬者若云技藝如此任為將帥乘馬也射投壺皆所以習武因為樂 孔氏穎達曰此明度壺設算告賓

之法進度壺者司射於西階上執壺之人處受壺乃東向來賓主筵前進量度其壺置於賓主筵南也投壺日中於室日晚於堂大晚於庭各隨光明故也矢有長短隨地廣狹而度壺皆使去賓主之席二矢半也室中去席五尺堂上去席七尺庭中去席九尺司射度壺既畢更還西階上位取中稍進東面而設中也於中西東面手執八筭而興起其中裏亦實八筭矢有本末投矢於壺以矢本入者乃名為入為之釋

算若矢以末入則不名為入不為之釋算比頻也賓
主投壺要更遞而投不得以既入喜悅而已頻投頻
投雖入亦不為之釋算也正爵此謂罰爵然慶罰皆
正禮也既行謂正爵竟也立馬謂取算以為馬表勝
數也每一勝輒立一馬禮以三為成但勝偶未必得
三得二即徵取劣偶之一以足勝偶之二為三故云
一馬從二馬定本無此一句三馬既立請慶多馬者
其勝已成又酌酒慶賀多馬之偶也云亦如之者司

射請賓之黨每事必應曰諾既竟則司射又悉以告主人主人應諾亦悉如賓也呂氏大臨曰矢本入則本末之序正左右拾投則賓主之儀答不如是不釋算所以責審固詳節文所以觀人之德不尚於苟中也方氏憇曰凡射人各四矢四矢則四算投壺亦如之賓與主則八算矣故此言執八算也數成於三故三馬既立請慶多馬

通論孔氏穎達曰案鄉射禮三耦先射賓主乃射以

射禮重也此投壺不立三耦以投壺禮輕故也

案射禮主人為下射賓為上射然則此亦賓黨為上投主黨為下投矣

存異陸氏佃曰比投引手就壺使入後世投壺坐欲

四縣恐其比入也

案比投與拾投相反陸說非

方氏慤曰算與

馬一也方其執之謂之算以計多少為義及其釋之

謂之馬以勝敵為義 姚氏舜牧曰投壺與射皆三

番而止每番勝則立一馬若將所執八算立一馬則

止七算在手立二馬則止六算在手萬一賓主皆中
止釋六算乎愚以算自是算馬自是馬

案算言釋馬言立下言馬各直其算則算非馬可知
特無以考其形制之詳耳漢人格法有功馬散馬皆
刻馬象而植之晉人掘地得玉馬或以為此即投壺
所立之馬也若姚氏慮以算為馬將不足於釋則更
誤儀禮鄉射記箭籌八十注籌算也八十畧以十耦
為正也故一耦射則實八算於中是算之全數有

十臨射則計耦而供之如四耦則供三十二算三耦則供二十四算也豈止八算而已乎

右請賓

案此投壺定法而司射以告賓主之辭吳氏澄分設壺設中為一節請賓請主為一節

命弦者曰請奏狸首間若一大師曰諾

間間廁之間又去聲大音泰

正義鄭氏康成曰弦鼓瑟者

孔疏鄭知鼓瑟者約鄉射禮用瑟也案下有魯

鼓薛鼓節亦有鼓以弦為重故特云命弦者

狸首詩篇名今逸射義所云

曾孫侯氏是也

案射義。狸首詩曰：曾孫侯氏，四正具舉大夫君子，凡以庶士小大莫處御。

于君所以燕以射則燕則譽

間若一者投壺當以為志取節焉

孔疏

間若一謂前後樂節中間疏數如一也。投壺者當聽之以為志取投合於樂節也。

孔氏頴

達曰此明司射命工作樂節投壺之儀諾承領之辭

呂氏大臨曰狸首之詩言賓主以禮相會也猶瓠葉免首不敢以微薄廢禮而忘驩也賓主之歡於是乎交非特諸侯之事故卿大夫士亦得用也

方氏

憲曰以弦歌狸首故命弦者奏之間者樂之節欲其

終始相協故曰若一

通論孔氏穎達曰案鄉射三番初一番耦射不釋算
第二番釋算未作樂第三番乃用樂今投壺發初即
用樂者以投壺禮輕主於歡樂故也非諸侯投壺而
奏羣首者義取燕飲之儀猶鄉射奏騶虞不計人之
尊卑也 陸氏佃曰鄭氏謂弦鼓瑟者也鄉飲酒記
曰工四人二人瑟瑟先鄉射蓋亦命弦者變言大師
重鄉射也

存疑陸氏佃曰間若一言或間亦或一也間若間歌
一歌一奏間一無間焉以為樂也非以為節也

案間字作中間之間孔疏甚明陸氏解為間歌之間
非也投壺或於室或於堂於庭時有堂上堂下異樂
乎亦迂矣

右作樂

案此亦司射命樂工之辭朱子以後魯鼓薛鼓
繫此下故云然其歌與鼓以為投節也

左右告矢具請拾投有入者則司射坐而釋一筭焉賓

黨於右主黨於左

拾音步

正義鄭氏康成曰拾更也告矢具請更投者司射也
司射東面立釋筭則坐以南為右北為左也

孔疏右謂司射

之前稍南左謂司射之前稍北已投者退各反其位

孔疏反位謂主黨於東賓黨於西也鄉射禮射畢各反其位則知

投壺畢亦各反其位辟後來也

孔氏穎達曰此

論投壺中者釋筭之儀左謂主人右謂賓客司射告
主與賓以矢具也請拾投者司射又請賓主更遞而

投也若矢入壺則司射乃坐釋一筭於地 方氏憇

曰拾者更也與曲禮言拾級喪禮言拾踊同義賓黨於右主黨於左者主人尊賓故也凡言左右以右為尊 陳氏浩曰主賓席皆南鄉主居左賓居右

案此一節正投之事賓主投畢則賓主之黨繼投其釋筭亦各從其黨或謂筭釋於中孔云釋於地誤攷鄉射禮釋獲者執中一人執筭從之釋獲者坐設中受筭坐實八筭於中橫委其餘於中西南射中則釋

一箕於地賓主射畢有餘箕則反委之仍於中西南
又改實八箕於中以待繼射者是箕先實於中後釋
於地孔不誤也

卒投司射執箕曰左右卒投請數二箕為純一純以取
一箕為奇遂以奇箕告曰某賢於某若干純奇則曰奇

鈞則曰左右鈞

數色主反純音全奇居衣反大戴作有勝則司射以其箕告

正義鄭氏康成曰卒已也賓主之黨畢已投司射又
請數其所釋左右箕如數射箕一純以取實於左手

十純則縮而委之每委異之有餘則橫諸純下一奠
為奇奇則縮諸純下兼斂左奠實於左手一純以委
十則異之其他如右獲畢則司射執奇奠以告於賓
與主人也孔疏皆鄉射禮文若告云某賢於某者未斥主黨
勝與賓黨勝與以勝為賢尚技藝也鈞猶等也等則
左手各執一奠以告 孔氏穎達曰此明投壺奠
數之儀司射於壺西東面執奠請也純全也二奠合
為一全一純則別而取之一奠謂不滿純者奇隻也

遂以奇算告者奇餘也謂左右數鈞等之餘算或左或右不定故稱某賢賢為勝者也勝者若有雙數則云若干純假令十算則云五純也鈞猶等也等則左右各執一算以告司射東面則東西為縮每十雙則東西縮為一委每有十雙更別委之故曰每委異之有餘謂不滿十雙或八雙九雙以下則橫於十純之西南北置之若惟有一算則縮之零純之下在零純之西東西置之此數右算之法若數左算則總歛地

之箕實於左手每一純取以委地滿十則異之謂滿十純則總為一委其他所縱所橫如右獲也 方氏憲曰干猶枚也與服衣若干尺之干同

存疑孔氏穎達曰若有奇數則曰奇假令九數則曰九奇也

辨正朱子曰孔疏勝於儀禮賈疏然恐是九箕則曰四純一奇

右請投視箕

案吳氏澄分拾掇釋奠為一節卒投數奠為一節

命酌曰請行觴酌者曰諾當飲者皆跪奉觴曰賜灌勝者跪曰敬養奉芳勇反養羊尚反大戴首作司射舉手曰勝者之弟子為不勝者酌諾下有已酌

皆請舉酒六字

正義鄭氏康成曰司射又請於賓與主人以行正爵酌者勝黨之弟子升酌奠於豐上不勝者坐取乃退而跪飲之孔疏據鄉禮文灌猶飲也言賜灌者服而為尊

敬辭也周禮曰以灌賓客賜灌敬養各與其偶於西階上如飲射爵孔氏穎達曰此明飲不勝之儀司射命此酌酒者曰敬以請賓與主人行觴謂罰爵之事賓主已許汝當酌之勝黨弟子受領許酌乃於西階上南面設豐洗禪升酌坐奠於豐上勝者與不勝者俱升西階勝者在東不勝者跪取豐上之爵手奉其觴曰蒙賜灌勝者跪執之曰敬以此觴而養不能也鄉射禮弟子奉豐升設於西楹之西勝者之弟子

洗解升酌南面坐奠於豐上是也

呂氏大臨曰勝

飲不勝者以能養不能也君使士射不能則辭以疾

射者男子之事故以不能者為病病必有養當飲箸

跪奉觴曰賜灌勝者跪曰敬養酒者所以養病也能

者不敢以勝驕人爭求勝而辭養也不能者知不勝

為已病不敢以已有病而辭養也

馬氏晞孟曰奉

觴曰賜灌受之以禮而不怨勝者跪曰敬養獻之以

禮而不矜

右卒投飲不勝者

正爵既行請立馬馬各直其筭一馬從二馬以慶慶禮曰三馬既備請慶多馬賓主皆曰諾正爵既行請撤馬

大戴首有司正曰三字
又請下有為勝者三字

正義鄭氏康成曰飲不勝者畢司射又請為勝者立馬當其所釋筭時也三立馬者投壺如射亦三而止也三者一黨不得三勝其一勝者并其馬於再勝者以慶之明一勝不得慶也飲慶爵者偶親酌不使弟

子無豐

孔疏
酌今

飲不勝之事賤其無能故不親請徹馬

既尊賢當須親酌手自授之也

投壺禮畢可以去其勝筭也既徹馬無筭爵乃行

孔氏穎達曰此明立馬以表賢能之事正爵謂正禮

罰酒之爵既行飲畢之後司射請為勝者樹標其馬

直當也謂所立之馬各當其初釋筭之前所釋之筭

當中之西也賓主或兩勝或一勝即以少足益於多

助勝者為榮以慶賀多馬 馬氏晞孟曰立馬以表

其勝徹馬以掩其不勝則投壺一用而禮儀為備也

應氏鏞曰勝者豈能全勝將有缺而不足之筭不勝者間有所得必有棄而不錄之筭取不勝者不用之馬而補勝黨未足之筭則零筭不遺而勝筭有助所以成人之美所以遜己之能以與人也

通論孔氏穎達曰案鄉射禮初番三耦射但唱獲而已未釋算亦未飲不勝者第二番耦射畢賓主之黨皆射畢乃釋筭飲不勝者第三番三耦及賓主等皆射中鼓節乃釋筭飲卒解今投壺初則不立三耦惟

賓主三番而止

案三番左右鈞則皆無立馬行爵者然適鈞者最少故不言且禮以樂賓或即行相慶禮也

右三投慶多馬

案吳氏澄以上罰爵為一節此分立馬慶爵撤馬為三節以上投壺禮之正經

箕多少視其坐籌室中五扶堂上七扶庭中九扶箕長尺二寸壺頸脩七寸腹脩五寸口徑二寸半容斗五升

壺中實小豆焉為其矢之躍而出也壺去席二矢半矢

以柘若棘母去其皮

大戴其坐下有既奠周則復始句其皮下有大七分三字

正義鄭氏康成曰奠用當視坐投壺者之衆寡為數

也投壺者人四矢亦人四奠籌矢也鋪四指曰扶一

指案寸春秋傳曰膚寸而合

孔疏引公羊傳文證

膚與扶同投壺者

或於室或於堂或於庭其禮襲隨晏早之宜無常處

奠長尺二寸其節三扶可也或曰奠長尺有握握數

也脩長也實以小豆取其滑且堅矢以柘棘取其堅

且重也舊說矢大七分或以棘取無節孔氏穎達
曰此明箕及矢長短多少并壺之大小及矢之所用
以儀禮準之此亦正篇之意箕之多少視其所坐之人
每人四矢四箕也呂氏大臨曰五扶七扶九扶其
多少之數以廣狹為之差皆陽數也壺頸脩七寸腹
脩五寸口徑二寸半容斗五升壺去席二矢半亦陽
數也箕長尺二寸天數也君子之所法象必本諸天
求諸陽因節文而託其義雖小事有所不廢也方

氏憲曰謂之籌者以計多少為義謂之矢者以觀中
否為義算長尺二寸者欲其有別於矢故加二寸焉
通論陳氏詳道曰先王制禮未嘗無所因焉故室中
必用几而因几以度室堂上必用筵而因筵以度堂
野外必用步而因步以度野投壺用指而已故因指
以度籌

存疑鄭氏康成曰腹容斗五升三分益一則為二斗
孔疏以斗五升故加三分益一從整數計之

寸也以腹脩五寸約之所得求其圜周圜周二尺七寸有奇是為腹徑九寸有餘也

辨正朱子曰經言所容止於斗有五升而注乃以二斗釋之經言圜壺之實數注乃借方體言之算法所謂虛加之數也蓋壺為圜形斗五升為奇數皆繁曲而難計故算者之術必先借方形虛加整數以定其法然後四分去一以得圜形之實此鄭氏所以舍斗五升之經文而直以二斗為說也然其言知借而不

知還知加而不知減乃於下文遂并方體之所虛加以為實數又皆必取全寸不計分釐定為圜壺腹徑九寸而圍二尺七寸則為失之疏家雖知其失而依違其間是以讀者不能無疑今以算法求之此言二斗之量者計其積實當為三百二十四寸而以其高五寸者分之則每高一寸為廣六十四寸八分此六十四寸者為正方又取其八分者割裂而加於正方之外則四面各得二釐五毫之數乃復合此六十四

寸八分者五為一方壺則其高五寸其廣八寸五釐而外方三尺二寸二分中受二斗如注之初說矣然此方形者算術所借以為虛加之數爾若欲得圜壺之實數則當就此方形規而圜之去其四角虛加之數四分之一使六十四寸八分者但為四十八寸六分三百二十四寸者但為二百四十三寸則壺腹之高雖不減於五寸其廣雖不減於八寸五釐而其圜則僅為二尺四寸一分五釐其中所受僅為斗有五

升如經之云無不諧會矣

魯令弟子辭曰母撫母教母脩立母踰言脩立踰言有常爵薛令弟子辭曰母撫母教母脩立母踰言若是者

浮

撫音呼教去聲
大戴作荒

正義鄭氏康成曰弟子賓黨主黨年稚者也為其立堂下相襯慢司射戒令之謂魯薛者禮衰乖異不知孰是也撫教慢也脩立不正向前也踰言遠談語也常爵常所以罰人之爵也浮亦謂是也晏子春秋曰

酌者奉觴而進曰君令浮晏子時以罰梁丘據孔疏引以

證浮是罰爵之義小爾雅云浮罰也浮或作匏或作符踰或為遙孔

氏穎達曰此一篇是周公正經而有魯薛之事者記者以周衰之後魯與薛有常時投壺號令弟子之異未知孰是故因以記之浮罰之爵薛令弟子異於魯其意則同呂氏大臨曰飲晏之間易抑童子之心易流令之所以飭其敬不令而責之敬則近於暴故令之而後浮方氏憇曰前曰正爵此曰常爵何也

以禮言則曰正以法言則曰常前兼於慶故以禮言之此主於罰故以法言之

存疑陸氏佃曰魯同姓之親也辭異姓之親也記魯令著所以待同姓之禮如此故曰有常爵記辭令著所以待異姓之禮如此故曰若是者浮蓋曰若是者浮則辭有不婉矣

案大戴禮投壺篇與此篇少異不知孰為周初本文蓋記者各以意脩潤也

司射庭長及冠士立者比皆屬賓黨樂人及使者童子皆

屬主黨

大戴上有堂下司正四字下有降揖句見後注疏此節在盡用之為射禮下令從陳氏湖本

正義鄭氏康成曰庭長司正也

孔疏案鄉飲酒將旅之時使相為司正察

飲酒不如儀者故知庭長司正也使者主人所使薦羞者樂人國子

能為樂者

孔疏以國子習樂故云國子能為樂者明此樂人非瞽矇聰聰之徒以其能與主人

之黨而此皆與於投壺孔氏穎達曰冠士者謂外觀禮也

人來觀投壺成人加冠之士尊之故令屬賓黨若童

子賤則屬主黨也陳氏祥道曰主人以仁接賓則

樂人樂賓者也使者及童子事人者也故屬主黨司射作人者也庭長正人者也冠士行禮者也立者觀禮者也故屬賓黨壺以授矢致樂者也故主黨執之中以盛算取勝者也故賓黨奉之然黨雖有賓主之辨而主黨之樂人必位於西階之上使人執壺亦立於司射之側凡皆所以就賓又曰侍射則約矢侍投則擁矢是投壺與射禮無異特繁簡不同爾

鼓

○ □ ○ ○ □ □ ○ □

吳澄本作○

○ ○ □ ○半○□○□

吳澄

○本少一 口○○○口○○○魯鼓 ○口○○○口○○

口○○○口○○○口○○○半○口○○○口○○○

薛鼓取半以下為投壺禮盡用之為射禮魯鼓 ○口○

○口○口○○半○口○○○口○○○○口○○口○

大戴禮下

尚有一口一薛鼓 ○口○○○○口○○口○○○○
朱子從之

口○口○○口○半○口○口○口○○○口○

正義鄭康成曰此魯薛擊鼓之節兩家之異故前
後兼列之圜者擊鼙方者擊鼓古者舉事鼓各有節

聞其節則知其事矣投壺之鼓半射節者投壺射之細也射謂燕射 孔氏穎達曰每一圍點則一擊鼙每一方點則一擊鼓頻有圜點則頻擊鼙頻有方點則頻擊鼓此射與投壺相對用半鼓節為投壺用全鼓節為射禮投壺在室在堂是燕樂之事故知此射亦謂燕射非謂大射及鄉射也 方氏懿曰魯薛之鼓既異而傳之者又異故記者兩存之 陳氏祥道曰魯薛所令之辭所制之鼓雖見於經其詳不可得

知也觀春秋齊晉之君以此行燕禮為會同之主於其中否以卜興衰其重投壺之禮如此則魯薛之詳亦不是過也

存疑陸氏佃曰魯投壺之鼓多薛投壺之鼓少亦所以待同姓異姓之別也詩曰在宗載考有是哉

案魯薛鼓各有二者前為初投之節後為再投三投之節鼓以君樂五聲不得不和升歌下管間歌合樂無不用鼓者故魯鼓薛鼓總以鼓名之也

案以上投壺禮之記

朱子分五節各次本經下

大戴記降揖

其阼階及樂作皆與射同節

少儀記侍投則擁

矢勝則洗而以請客亦如之不角不擢馬

朱子并入記

故附存之

儒行第四十一

行下孟反

正義孔氏穎達曰案鄭目錄云名曰儒行者以其記有道德者所行也此於別錄屬通論又曰孔子說儒凡十七條上十五條皆言賢人之儒第十

六條明聖人之儒十七條之儒是夫子自謂也
呂氏大臨曰儒者之行一出於義理皆吾性分所
當為非以自多求勝於天下也此篇之說有矜大
勝人之氣少雍容深厚之風有道者不為也謂孔
子言之殊可疑然其言不合於理義者殊寡學者
果踐其言亦不愧於為儒矣此先儒所以存於篇
也與

魯哀公問於孔子曰夫子之服其儒服與孔子對曰丘

少居魯衣逢掖之衣長居宋冠章甫之冠丘聞之也君子之學也博其服也鄉丘不知儒服

與平聲少詩照反上衣去聲長丁丈

反上冠去聲

正義鄭氏康成曰哀公館孔子見其服與士大夫異

又與庶人不同疑為儒服而問之逢猶大也

孔疏詩維柞之

枝其葉逢盛大貌大掖之衣

孔疏大掖肘掖之寬

大袂襢衣也此君子

有道藝者所衣也孔子生魯長而之宋而冠焉宋其祖所出也衣少所居之服冠長所居之冠是之謂鄉

言不知儒服非哀公意不在於儒乃今問其服

孔疏未言

不敢以儒為戲是此時意欲戲孔子

庶人禪衣袂二尺二寸祛尺二寸

呂氏大臨曰少居魯則衣魯衣長居宋則冠宋冠因其俗而已故曰其服也鄉又曰古衣服之制上

下皆有等差末世僭亂上下無別儒者獨守法度故

人以儒服目之方氏憲曰逢掖之衣王肅以為深

衣是矣公西赤掌孔子之喪用章甫之冠則孔子之

冠衣固如是也君子之學也博無狹其所居也其服

也鄉不忘其所本也 晏氏光曰君子恥服其服而無其行能博學則有其德以成德為行然後可稱其服也

通論孔氏穎達曰案曲禮云去國三世惟興之日從新國之法孔子曾祖防叔防叔生木金木金生伯夏伯夏生梁紇梁紇生孔子防叔奔魯至孔子五世應從魯冠而猶著殷章甫冠者以立為制法之主故孔子於人所行之事多殷禮不與尋常同也

存疑孔氏穎達曰大夫以上侈袂袂三尺三寸祛尺八寸朝祭之服表裏不禪庶人無朝祭事故禪今孔子禪與庶人同袂大與庶人異故公怪之

案大掖之衣是宋國之制如此如疏說似孔子有心以示異矣大夫侈袂說本周官注然不見所據

哀公曰敢問儒行孔子對曰遽數之不能終其物悉數之乃畱更僕未可終也哀公命席孔子侍行去聲篇內並同數色主

反

正義鄭氏康成曰物事也僕太僕君燕朝則正位掌

擯相更之者為久將倦使之相代命席為孔子布席於

堂與之坐也君適其臣升自阼階所在如主

案君適其臣語

似公就孔子者據疏云時孔子自衛新還哀公館之故鄭說如此

孔氏穎達曰言

儒行深遠急說則不能盡其事若細說則太久僕侍

疲倦宜更代之未可盡也 晏氏光曰以禮嚴分則

君坐而臣立以道忘分則坐而論道哀公與孔子論

儒行是坐而論道故命席而孔子侍坐焉

曰儒有席上之珍以待聘夙夜强學以待問懷忠信以待舉力行以待取其自立有如此者

正義鄭氏康成曰懷忠信之德以待見舉用也取進

取位也

孔疏進取榮位
德而君自來聘之間之舉之所謂待賈案取謂上取之我自立其

者

孔氏穎達曰此論儒者脩己立身之事盧氏植

云儒是坐席之珍可重

晏氏曰君子比德於玉故稱珍焉
徐氏師曾曰席珍喻

詞言人身之有德猶席上之有珍也

呂氏大臨曰席上之珍自貴而

待賈者也德之可貴人必禮之學之博者人必問之

忠信可任人必舉之力行可使人必取之 陸氏佃曰
席上之珍若伊尹樂堯舜之道於畎畝之中是已

方氏慤曰忠信非由外鑠也故言懷忠信力行在我
之事舉取在彼之事也 娑氏光曰藏器於身則玉
韞於匱中及其待時而動則珍陳於席上夙在日出
之前於此而學是先衆人而有作夜在日入之後於
此而學是後衆人而未息也席上之珍其德可貴夙
夜強學其道可尊二者有師道焉故曰待聘待問

懷忠信其言有物力行其行有常二者有臣道焉故
云待舉待取君子未嘗屈道以伸身必待彼之聘問
舉取然後徐起而應之

存疑鄭氏康成曰席陳也孔疏鋪陳也猶珍善也鋪陳徃古
堯舜之善道以待聘召

案鋪陳待聘似有銜玉求售之意鄭說未協

儒有衣冠中動作慎其大讓如慢小讓如偽大則如威
小則如愧其難進而易退也粥粥若無能也其容貌有

如此者

易以政反下同粥音燭

正義鄭氏康成曰中中間謂不嚴厲也

孔疏在常人中不自異也

偽言之不幅怛也

孔疏幅怛急切之意

如威如愧如有所畏

孔氏穎達曰此明儒者容貌之事人以大物與己已讓此大物辭貌寬緩如傲慢然讓小物如似詐偽亦謂寬緩不急切言儒不以利動也行大事時形貌似有畏懼行小事時如有慙愧皆謂重慎自貶損粥粥

張子曰中去聲謂中於禮陳氏澠曰中猶正也案三說皆通並與下呂氏說相足如慢如

是柔弱專愚之貌 張子曰大讓如讓國讓天下誠
心而讓其貌若不屑也若夫飲食辭辟之間是小讓
也如偽為之以為儀爾 呂氏大臨曰辭其大者若
自尊然非自尊也尊道也辭其小者若矯飾然非矯
飾也欲由禮也由尊道而不屈於世若有所威由禮
而不犯非禮若有所愧此儒者所以貴於天下也衣
冠中不異於衆不流於俗而已動作慎非禮勿履而
已 方氏憲曰三揖而後進故曰難進一辭而遂退

故曰易退粥粥者柔弱之狀若無能也是皆禮之所脩道之所與也

存疑陸氏佃曰大則小則猶言大讓小讓讀如敬慎威儀唯民之則之則 吳氏澄曰則謂守法不踰閑也於事之大者如有所畏而不敢為於事之小者如有所恥而不肯為

案容貌德之符故從衣冠動作間想其辭讓中節處而平日審取舍守義命之學問在其中

儒有居處齊難其坐起恭敬言必先信行必中正道塗不爭險易之利冬夏不爭陰陽之和愛其死以有待也養其身以有為也其備豫有如此者

齊側皆反難乃旦
反行去聲先信家

語作誠信

正義鄭氏康成曰齊難齊莊可畏難也行不爭道止不選處所以遠闢訟孔氏頴達曰塗路也君子行道路不與人爭平易之地而避險阻以利已冬溫夏涼是陰陽之和處此世人所競唯儒者讓而不爭也

愛死非鮮不爭也愛死以待明時養身為行道德
張子曰難者恭慎也書其難其慎言必先信思可信
然後言 陸氏佃曰難猶戒也洗心曰齊防患曰難
方氏懲曰居處齊難則人斯齊難之坐起恭敬則
人斯恭敬之言先信則人斯取信矣行中正則人斯
中正矣以至不爭其利故人資其利不爭其和故人
飲其和愛其死故足以有待養其身故足以有為若
是則非有待物之備先物之豫固不足以致此

通論呂氏大臨曰仲弓問仁孔子教以敬恕此居處四句敬也道塗二句恕也唯敬與恕則忿懣慾窒身立德充可以當天下之變而不避任天下之重而不辭

儒有不寶金玉而忠信以為寶不祈土地立義以為土地不祈多積多文以為富難得而易祿也易祿而難畜也非時不見不亦難得乎非義不合不亦難畜乎先勞而後祿不亦易祿乎其近人有如此者君子賜反易以
積反畜許六反

見賢福反立義家語作仁義近人下有情字

正義鄭氏康成曰祈求也立義以為土地以義自居也難畜難以非義久留也勞猶事也積或為貨孔氏頴達曰此明儒者懷忠信與義之事儒懷忠信而與人交不貪金玉而與人競人則親而近之積積聚財物也非道之世則不任是難得也先事後食是易祿也無義則去是難畜也非時謂非明時其親近於人如此呂氏大臨曰志非不欲行也時止則止時

行則行不可必其見也道非不欲合也非其義也一
介不以取諸人不可必其合也難得難畜主於義以
自貴然時而行義而合勞而食未始遠於人而自異
也 彭氏曰難得指未仕時易祿難畜指既仕時
黃氏乾行曰寶忠信存心也立義行己也多文學問
也

案得難則祿之必難而祿養之又易祿易則畜之必
易而久畜之又難觀其難得難畜似遠人而觀其易

祿正自近人孔子有見行可之仕際可之仕公養之
仕又嘗曰吾非斯人之徒與而誰與則其難得難畜
亦原非遠人故曰近人有如此者

儒有委之以貨財淹之以樂好見利不虧其義劫之以
衆沮之以兵見死不更其守鷙蟲攫搏不程勇者引重
鴻不程其力往者不悔來者不豫過言不再流言不極
不斷其威不習其謀其特立有如此者

淹衣廉反樂五
孝反好呼報反

沮在呂反更平聲鷙音至攫俱縛
反斷直卵反勇者家語作其勇

正義鄭氏康成曰淹謂浸漬之劫劫脅也沮謂恐怖

之鷙蟲猛鳥猛獸也字從鳥鷙省聲也

孔疏蟲鳥獸通名獸擎字

從執下著手鳥鷙字從執下著鳥今一鷙字而包兩義故曰省聲

以脚取謂之攫以

翼擊謂之搏程猶量也重鶻大鶻也不再猶不更也

不極不問所從出也不斷其威常可畏也不習其謀

口及則言不豫其說而順也 孔氏穎達曰此明特

立不羣之事人或以貨財委之以愛樂玩好浸漬之

儒者雖見此利不虧損已之義事苟且而愛也人或

脅之以軍衆沮之以兵刃儒者雖見劫見沮以致於死終不改其所志之志而苟從之免死也有愆過之言不再為之間流傳之言不窮其根本聞之則解也斷絕也不絕其威嚴容止常可畏也逢事則謀不豫習也呂氏大臨曰鷙蟲攫搏不程其勇者自反而縮千萬人吾往也引重鴟不程其力者仁之為器重舉者莫能勝也其自任也不知其力之不足也過言不再知之未嘗復行也方氏慤曰不程勇以況儒

者勇足以犯難而無所顧也不程其力以況儒者材足以任事而有所勝也往者不悔非有所吝而不改也為其動足以當理而未嘗悔來者不豫非有所忽而不防也為其機足以應變而不必豫爾過言不免乎出一之為甚矧可貳乎流言不免乎聞止之以知詎可窮乎 姚氏舜牧曰委是出入之恣淹是浸灌之深

存疑鄭氏康成曰搏猛引重不量勇力堪之與否當

之則往也

孔疏攬搏引鼎喻艱難之事不豫度量而往此實暴虎之事而得為儒者如孔子夾兵斬侏儒也

雖有負者後不悔也所未見者亦不豫備平行自若也晏氏光曰搏鷺蟲引重鼎者人皆

以為勇力吾不與之程計胡氏銓曰彼雖有勇力

然不敢與儒者程量呂氏大臨曰往者不悔幾於

所過者化來者不豫幾於所存者神流言不極不倡

游言也不斷其威將至於儼然可畏不習其謀將至

於不思而得張子曰流言不極不更深思極慮也

案鷺蟲二句喻其進道之勇重鳴二句喻其任道之
力往者不悔不以前之不合而以道徇人來者不豫
不以後之可成而豫為迎合如鄭說則上四句為北
宮黝之必勝次二句為孟施舍之無懼矣諸說都認
定在勇力上滯矣過言不再兩言字似一例疑過言
是當面數責我流言是暗布讒沮我不再不極所謂
止謗莫若自脩我增脩其德而彼言自止也
儒有可親而不可劫也可近而不可迫也可殺而不可

辱也其居處不淫其飲食不溽其過失可微辨而不可面數也其剛毅有如此者

數所具反

正義鄭氏康成曰淫謂傾邪也恣滋味為溽溽之言欲也孔氏穎達曰儒者性既剛毅故居處不傾邪飲食常質不濃厚也呂氏大臨曰儒者之立立於義理而已以義交者雖疏遠必親非義加之雖強禦不畏故有可親可近可教之理而不可劫迫辱也淫侈溢也溽濃厚也侈其居處厚其飲食欲勝之也欲

勝則義不得立不淫不濶所以立義也 方氏懸曰

德雖可親而不可劫之以力迹雖可近而不可迫之
以勢身雖可殺而不可辱之以威不以四支之安而
過其行不以口腹之養而汚其身微辨者諷諭之面
數者指斥之凡此皆體剛而用毅也 淫於居處濶於
飲食皆人之慾也 孔子曰 権也慾焉得剛

存疑呂氏大臨曰其過失可微辨而不可面數一句
乃尚氣好勝之言於義理未合成湯改過不吝子路

聞過則喜推是心也苟有過失雖怨詈且將受之況面數乎 姚氏舜牧曰彼以美情來若將親我者然而其意實主於劫彼以好禮來若將近我者然而其意實主於迫唯儒者堅持道義而潛燭其情於親近之中故彼雖以親我近我來我但自守不因而與親與近何至受其劫與迫如孔子之處陽貨者是也

儒有忠信以為甲胄禮義以為干櫓戴仁而行抱義而處雖有暴政不更其所其自立有如此者

處上聲更平
舜自立家語

作自
守

正義鄭氏康成曰甲鎧也胄兜鍪也干櫓小楯大楯
也 孔氏穎達曰甲胄干櫓所以禦患難儒者之忠
信禮義亦以禦患難謂有忠信禮義則人不敢侵侮
也 戴仁而行仁之盛抱義而處義不離身雖有暴政
不改其志操迥然自成立也 吕氏大臨曰忠信則
不欺不欺者人亦莫之欺也有禮者敬人敬人者人
亦莫之侮也忠信禮義所以禦人之欺侮猶甲胄干

櫓可以捍患也行則尊仁居則守義所以自信也篤雖暴政加之有所不變也自立之至者也 葉氏夢

得曰甲冑者自防之器忠有諸中信有諸己亦以自防也干櫓敵人之器禮以區別義以裁制亦所以敵人也仁為天下之表故戴而行義為天下之制故抱而處暴政者時也不更其所守者己也己之自立者乃所以應時 娅氏光曰仁主於愛常患乎曠而不尊戴仁者所以尊之義主於斷常患乎嚴而不親抱

義者所以親之

通論孔氏穎達曰初言自立謂強學力行而自脩此言自立謂獨懷仁義忠信呂氏大臨曰首章言自立論其所學所行足以待天下之用而不窮此章言自立論其所信所守足以更天下之變而不易二者皆自立也有本末先後之差焉馬氏曰待聘至待取亦言自立何也所待者在人所以待者在己故言自立而此防身遠害之道亦自立也胡氏銓曰前

言忠信以為寶立義以為土地乃平居時此言忠信
以為甲胄禮義以為干櫓則行乎患難時

儒有一畝之宮環堵之室簾門圭窬蓬戶甕牖易衣而
出并日而食上答之不敢以疑上不答不敢以諂其仕
有如此者

堵音覩簾音畢窬音豆又
音史甕烏貢反牖音酉

正義鄭氏康成曰言貧窮屈道仕為小官也宮謂牆

垣也

項氏安世曰宮以基言室以屋言

環堵面一堵也五版為堵五

堵為雉篋門荆竹織門也

孔疏

柴

圭窬門旁窬也穿

牆為之如圭矣并日而食二日用一日食也上答之謂君應答而用其言 孔氏頴達曰此明儒者仕宦能自執其操也徑一步長百步為畝若折而方之則東西南北各十步為宅也牆方六丈故云一畝之宮環謂周迴也東西南北唯一堵蓬戶謂編蓬為戶又以蓬塞門謂之蓬戶壅牖牕圓如甕口又云以敗甕口為牖易衣合家共一衣出則更著之也并日而食謂不日日得食君應答而用其言已則竭力不敢猜

疑有言而君不用則靜默不敢諂媚求進 吕氏大

臨曰儒者之仕將以事道也然有時乎為貧辭尊居卑辭富居貧居之至陋養之至不足儒者不悔也上之禮答不答繫乎知不知雖窮如是上苟知之則必以是道自期不疑乎上之未信而有所屈蓋事道不為貧也上苟不知則我之以力事人求其食以免死而已若君不問而自告其謀枉尋直尺強聒而不舍人謂之不諂不信也蓋為貧者非事道也二者儒者

仕之大分不可亂也 方氏慤曰不敢以疑者自信
之篤不敢以諂者懷忠之深 陳氏澔曰道合則就
即信之而不疑無患失之心也不合則去即安之而
不諂無患得之心也

儒有今人與居古人與稽今世行之後世以為楷適弗
逢世上弗援下弗推讒諂之民有比黨而危之者身可
危也而志不可奪也雖危起居竟信其志猶將不忘百
姓之病也其憂思有如此者稽古奚反楷苦駁反讒仕
咸反比毗志反信依注讀

伸

正義鄭氏康成曰稽猶合也古人與合則不合於今人也援猶引也取也推猶進也舉也危欲毀害之也起居猶舉事動作信讀如屈伸之伸 孔氏頴達曰此明儒者雖身不居明代猶能憂思愛及於人之事也楷法式也上弗援不為上所引取也下弗推不為下所薦舉也雖比黨之民共危之而行事舉動終能伸己之志謀不變易也 呂氏大臨曰人有知不知

吾所恃者尚論古之人而有合也時有遇不遇吾所
守者不喪乎本心也志有行不行吾所存者不敢忘
天下也三者義理之所在至於窮不悔達不變自信
之篤者也 方氏慤曰與今人並行於世與古人稽
合於道也今世行之後世以為楷者中庸所謂行而
世為天下法是也援則自上而引下推則自下而進
上私相與而為比暗相結而為黨雖危起居以其身
可危也竟信其志以其志不可奪不忘百姓之病者

孟子所謂天下有饑溺猶已饑溺之也 葉氏夢得
曰適弗逢世天也比黨危之者人也起居雖危而竟
信其志天與人莫之奪也

存疑鄭氏康成曰猶圖也

孔疏其所圖謀不忘百姓之憂病

儒有博學而不窮篤行而不倦幽居而不淫上通而不
困禮之以和為貴忠信之美優游之法慕賢而容衆毀
方而瓦合其寬裕有如此者

行下孟反上時掌反家語無幽居二句

正義鄭氏康成曰不窮不止也幽居謂獨處時也上

通謂仕道達於君也既仕則不困於道德不足也忠信之美美忠信者也優游之法法和柔者也毀方而瓦合去己之大圭角

孔疏方謂物之方正有圭角鋒鋩也

下與衆人小

合也

孔疏瓦合瓦器破而相合言儒者毀屈己之方正下同凡衆如破去圭角與瓦器相合

必

瓦合者亦君子為道不遠人

孔氏穎達曰不淫雖

復隱處常自脩整不傾邪也不困謂身通達於君既

在其位必行其政使德位相稱不為困敝也禮以體

別為理人用之常患於貴賤有隔尊卑不親儒者用

之則貴賤有禮而無間隔故云以和為貴見人忠信
則美之見人和柔則法之見賢思齊是慕賢也汎愛
一切是容衆也 葉氏夢得曰博學有以貫之故不
窮篤行有以至之故不倦幽居而能樂天故不淫上
通而能知命故不困忠信之美充實於內優游之法
遜接於外充實於內故尊賢而慕之優游於外故愛
衆而容之慕賢則能毀方而為圓也容衆則能允合
而為同也 陳氏澠曰博學不窮溫故知新之益也

篤行不倦賢人可久之德也幽居不淫窮不失義也
上通不困達不離道也禮之體嚴而用貴於和忠信
禮之質也故以忠信為美優游用之和也故以優游
為法賢雖在所當慕衆亦不可不容汎愛衆而親仁
亦是意也徐氏師曾曰博學二句以脩己言幽居
二句以處世言禮之以和三句以立體言慕賢二句
以待人言此儒者寬大長裕之行也

案忠信優游鄭孔以待人言葉陳徐三家以己身言

然必已有之而後能美人之美法人之法其說蓋相備也

儒有內稱不辟親外舉不辟怨程功積事推賢而進達之不望其報君得其志苟利國家不求富貴其舉賢援能有如此者

辟同避家語程功積事下有不求厚祿句君得其志下有民賴其德句

正義鄭氏康成曰君得其志者君所欲為賢臣成之

孔氏穎達曰稱舉也不辟親若祁奚舉其子午不辟怨若祁奚舉其讎解狐儒者欲舉人必程効其功

積累其事知其賢乃推而進達之不求望其報也輔助其君使君得其志意所欲此推賢達士惟苟在利益國家不自求富貴也 方氏憇曰不以一身之小嫌妨天下之真才故雖親也亦在所稱不以一心之私忿害天下之公義故雖怨也亦在所舉 徐氏師曾曰唯程算其平日之功積累其平日之善推以為賢而進達之於上也又能下不望報於所舉之人而忘其德我上不求利於所事之君而但欲利國夫舉

賢援能始終一於至公如此非區區薦人者所可及也

儒有聞善以相告也見善以相示也爵位相先也患難相死也久相待也遠相致也其任舉有如此者

難乃旦
反家語

節無此

正義鄭氏康成曰相先猶相讓也久相待謂其友久在下位不升己則待之乃進也遠相致者謂己得明君而仕友在小國不得志則相致達也 孔氏穎達

曰此明儒者仕舉同類前經謂疏遠者此經謂親近者遠相致遠相招致也呂氏大臨曰此任舉朋友加重於天下之士者義有厚薄故也徐氏師曾曰聞善相告見善相示欲其進德脩業以為任舉之地居常有爵位相先之義處變有患難相死之心以堅任舉之節

儒有潔身而浴德陳言而伏靜而正之上弗知也震懾而翹之又不急為也不臨深而為高不加少而為多世治

不輕世亂不沮同弗與異弗非也其特立獨行有如此

者

漂音早慶七奴反
行下孟反又如字

正義鄭氏康成曰不臨深而為高臨衆不以己位尊自振貴也不加少而為多謀事不以己小勝自矜大也世治不輕不以賢者並衆不自重愛也世亂不沮不以道衰廢壞己志也孔氏穎達曰漂潔其身不染濁也沐浴於德以自清也位雖同而行不善則不與親合彼雖與己疏異所為是善則不非毀之身所

特立獨有此行故曰特立獨行 呂氏大臨曰唯大
人為能格君心之非然在己者未正未有能直人者
也故潔身浴德者所以正己也陳言而伏者入告嘉
謨嘉猷于內爾乃順之于外也 方氏慤曰靜而正
之者隱進之也麤而翹之者明告之也與其所可與
不必同乎已非其所可非不必異乎已若同而與之
則讒諂面諛之人至矣異而非之則直諒多聞之友
去矣 葉氏夢得曰雖能其事不臨深而為高惡自

高也雖有其功不加少而為多惡自大也世治而士
貴矣其行不輕世亂而士賤矣其志不沮 馬氏晞
孟曰自立者對人言之特立者對衆言之 姚氏舜
牧曰靜而正所謂唯大人格君心之非也故上弗知
麌麌而翹所謂務引其君於當道者故又不急為恥自
高鳥用臨深不貴多安事加少世治可進而或自輕
焉其誰重之世亂可退而或自沮焉其誰與易人皆
附同然其中有不可苟合者弗與也人皆惡異然其

中有未可輕訾者弗非也是皆非俗儒所能也晏
氏光曰世治則人皆務進而求利吾則未嘗妄動故
曰不輕世亂則人皆自屈以辟害吾則未嘗變節故
曰不沮 應氏鏞曰非但處而特立於一身亦出而
獨行於一世

通論徐氏師曾曰前言特立自守之義居多此加獨
行達道之義居多

存疑呂氏大臨曰龐龐而翹之者其事君也以其事之

鹿鳴者微發其端而為之兆兆足以行則進而無已不足以行則去之孔子所以未嘗終三年淹故曰不急為也所以事其君者先其未發而止其為惡先為之兆以嘗其為善此衆人所未識也

案此說近理但一句作兩截講亦未

安葉氏夢得曰同於己者或鄉愿也公而弗與異於己者或行怪也惡而弗非徐氏師曾曰世治則德常見重而人不我輕世亂則德周於身而邪不能

沮也

案此以不輕不沮屬人不如晏說

存異鄭氏康成曰麌麌猶疏也微也君不知已有善言

正行則觀色緣事而微翹發其意使知之又必舒而

脫脫焉已為之疾則君納之速君納之速怪妒所由生

也孔疏上不我知當伺候君上顏色因緣有事微疏而起發之使上得知又不可急速

儒有上不臣天子下不事諸侯慎靜而尚寬強毅以與

人博學以知服近文章砥厲廉隅雖分國如錙銖不臣

不仕其規為有如此者

近去聲繙側其反家語
砥厲廉隅句在強毅上

正義鄭氏康成曰強毅以與人不苟屈以順之也君

分國以祿之視之輕如錙銖矣八兩曰錙

孔疏案算
法十泰為

衆十衆為銖二十四
銖為兩八兩為錙

孔氏穎達曰此明儒者志操

規為之事上不臣天子伯夷叔齊是也下不事諸侯長沮桀溺是也既慎而靜所尚寬緩也不與人為臣

不求仕宦但自規度所為之事而行故曰其規為如

此呂氏大臨曰慎靜而尚寬有度也強毅以與人

有守也砥厲廉隅有節也是則所以事道者無歛也

非其義也非其道也祿之以天下弗顧也故雖分國

而授之視之如錙銖之輕 晏氏光曰上不臣天子
下不事諸侯者易所謂不事王侯高尚其志也慎靜
而寬者以仁而盡性強毅以與人者以義而制事博
學以知服者以知而窮理近文章者外有備成之文
砥厲廉隅者內有脩潔之行

存疑鄭氏康成曰博學以知服不用已之知勝於先
世賢知之所言也孔疏廣博學問猶知服畏先代賢人不以己之博學凌夸前賢也

孔氏穎達曰近習文章以自砥厲成己廉隅

呂

氏大臨曰不臣者不傳贊為臣周之則受賜之則不受也博學以知則有本也服近文章則有文也 陳氏澔曰知服知力行之要也博學知服即博文約禮之謂

案慎靜者戒慎操持尚寬者包含廣大此所規所為之大畧也意量寬廣而又強毅以與人操持慎靜而又博學以知服服事也謂知所當行之事博學則能文章而文章乃近之強毅則有薰隅而薰隅又砥礪

此所規所為之密行也分國授我視如錙銖非湯武
之君不出也

儒有合志同方營道同術並立則樂相下不厭久不相

見聞流言不信其行本方立義同而進不同而退其交

友有如此者

樂音洛下行為去聲家語無其行本方立五字

正義鄭氏康成曰同方同術等志行也聞流言不信
不信其友所行如毀謗也

吳氏澄曰韓文其行屬上句謂雖流言毀其行而已

以其行為信也孔疏庾氏云其行所本必方正所立必存義則以其行屬下句

孔氏穎

達曰此明儒者與人交友之事方猶法也言儒者與友合齊志意而同於法則也經營道藝同齊於術同術則同方也但合志同方據所懷志意營道同術據所習道藝也雖朋友久不相見聞流謗之言而已不信也其行所本必方正所立必存義朋友所為與已同則進而從之不與退同則退而避之 吕氏大臨曰君子之道或出或處或默或語凡所謂同者理也義也出於人心之所同然賢者能存而勿喪之故不

患乎不同也合志同方則志同好矣營道同術則學
同道矣並立則樂相下不厭好同則同體矣久不相
見聞流言不信學同則信其行矣行同則學同進退
同則好同交友之分至於無一不同者學一於理而
不惑也 方氏慤曰並立則樂以其無忌心相下不
厭以其有孫志久不相見聞流言不信以其久要不
忘而相信之篤 馬氏曰方者道之所也志在於道
唯合志故同方術者所資以適道唯營道故同術

晏氏光曰方言趨向之地術言脩為之業論語曰士志於道是志必在於道道不外於志也故始焉合志而趨向者不殊終焉營道而脩為者一致有朋自遠方來不亦樂乎故並立則樂以能問於不能以多問於寡故相下不厭同方同術者講習之友並立相下者相成之友不信流言同而進者同德之友故曰其交友如此 吳氏澄曰義所以方外以方為本而立其義朋友以義合者也

存疑孔氏頴達曰並立則樂者謂與友同仕則樂相
下不厭者遞相卑下不厭賤也 陳氏濬曰並立爵
位相等也相下以尊位相讓而已處其下也

案並立相下都在志道上說孔陳以爵位言淺矣

總論孔氏頴達曰自此以上凡十五儒所陳之事亦
有前後乖異者此上經云不臣不仕而第一儒云席
上之珍以待聘夙夜強學以待問懷忠信以待舉力
行以待取則有仕宦之志也第十儒云寬裕第六儒

曰剛毅與寬裕亦別也第三儒云愛其死養其身備豫禍患而第五儒云劫之以衆沮之以兵見死不更其守亦不同也所以如此不同者儒包百行事非一揆量事制宜隨機而發當其剛毅之節則守死不移論其營養之道則寬而容衆逢有道之世則進而事君遇無道之時則退而不仕且賢有優劣儒有大小大儒則理包百行小儒則偏守一邊所以尚書皋陶九德德多則為天子諸侯德少則為大夫卿士苟達

於此儒行亦然雖或不同無所怪也

溫良者仁之本也敬慎者仁之地也寬裕者仁之作也
孫接者仁之能也禮節者仁之貌也言談者仁之文也
歌樂者仁之和也分散者仁之施也儒者兼此而有之
猶且不敢言仁也其尊讓有如此者

孫與遜同施去聲
案儒者今文作儒

皆

正義鄭氏康成曰此兼上十有五儒蓋聖人之儒行
也孔子嫌若斥已假仁以為說仁聖之次也 孔氏

穎達曰此明聖人之儒兼上十五儒之行仁者之儒先從溫良而起故云仁之本以敬慎為地地所以居止萬物儒者之動作必以寬裕孫辭接物是仁儒之技能禮儀撙節是仁儒之外貌言語談說是仁儒之文章歌舞喜樂是仁儒之和悅散蓄積而賑貧窮是仁儒之恩施也儒者既兼有此行猶不敢自謂已任其尊敬於物卑讓於人有此行也此謂聖人之儒但聖人理極不可為名仁亞於聖故假仁言之 吕氏

大臨曰質之溫良者可與為仁故曰本行之敬慎者可與行仁故曰地其規模寬裕則稱仁之動作其與人遜接則習仁之能事威儀中節敬於仁者也故為貌出言有章仁之見於外者也故為文詠歌之不足不知手之舞之足之蹈之安於仁而至於和者也貸不為己則利與人同與人為善則善與人同凡以分散與物共而不私則仁術之施不吝也八者儒必兼而有之然後可以盡儒行之實猶且不敢言仁則聖

人之志存焉有聖人之志存則可與入聖人之域矣
方氏憇曰仁無本不立故首以仁之本有本然後
可行故繼以仁之地有行則有所事故繼以仁之作
有作則見其所能故繼以仁之能有所能則形之於
外故繼以仁之貌形於貌則必有所飾故繼以仁之
文有其文則無乖於物故繼以仁之和有所和則其
餘足以利物故繼以仁之施

通論陳氏祥道曰儒行十五而以仁與禮樂終焉則

成人之道盡於此矣孔子未嘗與門人以仁與禮樂所與特顏子一人而已然則顏子之去聖人其出入亦不遠矣合之則禮樂皆本於仁離之則仁近於樂義近於禮孔子以孝悌為仁之本孟子以事親為仁之實從兄為義之實其致一也

儒有不墮穫於貧賤不充訛於富貴不恩君王不累長上不閔有司故曰儒今衆人之命儒也妾常以儒相詬病孔子至舍哀公館之間此言也言加信行加義終沒

吾世不敢以儒為戲

墮于敏反 穩戶郭反 詛求勿反 恩胡因反 長丁丈反 詣呼候反 行去

聲家語行加
義下有曰字

正義鄭氏康成曰隕穫困迫失志之貌也充詘歡喜

失節之貌恩猶辱也累猶繫也

孔疏案孔子世家在魯哀公不用在齊犁

鉏所毀入楚子西所諧適晉趙鞅欲害伐樹於閔病

宋削跡於衛畏於匡厄於陳蔡被辱累多矣

也言不為天子諸侯卿大夫羣吏所困迫而違道孔

子自謂也妄之言無也言今世名儒無有常人遭人


名為儒而以儒斬故相戲此哀公輕儒之所由也詭

病猶恥辱也儒行之作蓋孔子自衛初反魯時也孔子歸至其舍哀公進而禮館之呂氏大臨曰小人之儒也為人君子之儒也為己小人之儒也以文君子之儒也以實以文對實以為人對為己則小人觀美而近名君子閭然而難知且將以遠大為迂闊以高明為無實以遠勢利為詐以守禮義為簡指白為墨誣善為惡此所以以儒相詬病也如識乎君子之儒者且將矜式之不暇又何敢戲乎方氏憲曰無

儒者之行而為儒者之服無儒者之實而盜儒者之名故曰今衆人之名儒也妄以其妄故常為人相詬以言相病以行也言加信則不以儒相詬矣行加義則不以儒相病矣

存疑鄭氏康成曰充或為統閔或為文 吳氏澄曰妄常猶曰妄庸言今世衆人不識凡名之為儒者皆妄人常人耳故為人所輕賤苟名之曰儒是以此名詬病之也

欽定禮記義疏卷七十二



總校官庶吉士臣侍朝
校對官檢討臣陳夢元
謄錄監生臣周綬